



# Xurelo

XUNTA DE GALICIA



Colección: **A Vida no mar salgado**

Idea e texto: **Fina Mosquera Roel**

Ilustracións: **Ana Sánchez Moreno**

Fotografía: **Miguel Sánchez Ortiz**

Edita:

**XUNTA DE GALICIA**

Consellería de Pesca e Asuntos Marítimos.

D. X. de Innovación e Desenvolvemento Pesqueiro.

ISBN: 84-453-3358-5

Depósito legal: C-1715-2002

Imprime: Gráficas Sementeira



Xurelo

Nome científico: *Trachurus trachurus*

Castelán: Jurel

Éuscaro: Txitxarro Arrunta

Catalán: Sorell

Inglés: Horse Mackerel

Francés: Jaurel-Chinchard

**E**u son un xurelo e vivo nun acuario.  
O meu corpo é alongado e cuberto de  
escamas.  
A miña cor é grisácea, verdosa ou  
azulada no lombo e branca no ventre.  
Na cabeza teño dous ollos con pálpe-  
bras e unha boca con pequenos den-  
tes e lingua.  
A maioría dos peixes carecen de pál-  
pebras para protexe-los ollos, por iso  
nos acuarios prohíben facer fotos  
con flash. Nós somos dos poucos que  
as temos.



É fácil recoñecerme entre outros peixes porque teño unha liña lateral en forma de S recuberta de escudetes.


**V**ivo no mar con outros xurelos formando bancos.

No verán achegámonos á costa e pódense ver na superficie.

No inverno trasladámonos a augas máis profundas.

Somos carnívoros. A nosa dieta está formada por plancto (pequenos crustáceos e larvas) e peixes pequenos.

Xuntámonos en bancos para protexer-nos e tamén para reproducirnos.



Banco de xurelos.

Ó iren moitos xuntos movéndose á vez, semellan unha criatura grande.

**N**ado realizando curvas co meu corpo. As aletas permítenme manobrar e a cola rema impulsándome cara a adiante.

Para non perderme dos compañeiros, utilizo a vista, pero tamén a liña lateral.


A liña lateral axúdame a senti-las vibracións da auga. Infórmame do perigo cando se achega un inimigo e dos movementos dos compañeiros para non perderme.



Xurelos nadando nun acuario.

**R**eproducímonos na primavera e no verán. A femia pon os óvulos preto da costa e logo son fecundados polo esperma do macho.

Ós poucos días sae unha pequena larva. No verán, os pescadores que van ó bonito capturan grandes cantidades de xuvenís de xurelo para utilizalo como cebo, pois está comprobado que ós bonitos lles encantan os xurelos novos.



Bonito perseguindo xurelos.

**P**ara pescarnos utilizan artes de cerco, arrastre, trasmallos e, en menor medida, palangre.

Somos un prato nutritivo e barato para os humanos simplemente fritos ou ó forno, pero hai que deixarnos medrar ata que cheguemos ós quince centímetros, que é o tamaño mínimo legal.



Prato de xurelos listos para fritir.

Algún animal semellante:



A sardiña.



## Glosario

**Esperma:** Substancia que contén os espermatozoides ou células sexuais masculinas.

**Óvulos:** Células sexuais femininas.

**Trasmallo:** Rede de tres panos en posición vertical. Os exemplares quedan embolsados na rede interior.

## Outros títulos da colección

Polbo  
Rodaballo  
Ourizo  
Xurelo  
Mexillón  
Peixe Sapo  
Centola  
Camarón  
Percebe

Brais  
Carme  
Antón  
Ana



Rodaballo



Percebe

Na rede estamos en: [pescagalicia.com](http://pescagalicia.com)



CONSELLERÍA DE PESCA E  
ASUNTOS MARÍTIMOS